

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 03/11/2022

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presenol Aled Johnston, Bill Davies, Cris Tomos (Cadeirydd), Eirlys Twigg, Emyr Thomas, Iwan Evans, Michael Harries, Robin Davies, Roger Howells Shôn Rees (Cyngorydd Sir) Bethan Williams (Clerc) Ymddiheuriadau Arwel Llywelyn, Hywel Lewis, Melony Richards	
2. Cyflwyniad gan yr Heddlu	• Mae pobl ifanc wedi bod yn cymryd cyffuriau yn y parc yng Nghrymych a chyffuriau yn cael eu cario mewn i'r ysgol. • Mae problemau cyffuriau yn anarferol. • Gofynnwyd i bobl roi gwybod os ydyn nhw'n gweld unrhyw un yn cymryd neu werthu cyffuriau neu yn ymddwyn yn anarferol a ffonio 101 i roi gwybod. • Mae angen o leia tri o bobl i adrodd unrhyw broblem cyn i'r heddlu allu cael gwarant i fynd i gartre rhywun. • Does neb yn swyddfa'r heddlu yng Nghrymych yn aml iawn, mae'r heddwesion yn tueddu i fod mas ar alwadau yn bennaf.	
3. Cofnodion y cyfarfod blaenorol	 Drafft 2022/10/06 Cynigiodd Eirlys eu bod yn gywir, eiliodd Roger ac fe'u derbyniwyd fel cofnod cywir.	

4. Materion yn codi o'r cofnodion	(i) Yswiriant • Dydy'r parc ddim wedi ei gynnwys yn yr yswiriant cyffredinol, ond mae'r parc wedi ei yswirio dan y Service Level Agreement. • Mae angen gwirio a ydy'r maes parcio wedi ei gynnwys ar y polisi yswiriant. (ii) Gwahodd pobl ifanc i ddod i gyfarfodydd Cyngor • Mae Cris wedi gwahodd Manon John a Iestyn Wood. • Maen nhw'n gobeithio dod tro nesaf. (iii) Rhandiroedd Hermon • Rydyn ni wedi cael cytundeb y bydd modd ei addasu Cytunwyd i godi'r rhent o £5 y flwyddyn i £25 (iv) Gwteri Maes Meigan • Mae gwteri yn Maes Meigan yn gorlifo o hyd • Mae'r Jet Sweep wedi bod yn yr ardal, ond heb glirio gwteri Maes Meigan. (v) Cinio Nadolig • Mae bwrdd wedi ei drefnu ar gyfer Ionawr 13 ac i wahodd y cynghorwyr o 2021 (vi) Cronfa Beni Edwards • Does dim diweddariad ar wneud Aled ac Arwel yn ymddiriedolwyr. • Mae angen checio ffiniau plwyf Eglwyswen. (vii) College Green • Does dim byd wedi digwydd am hyn o hyd ond mae Shôn wedi trefnu i swyddogion ymweld.	Cris a Roger i addasu'r cytundeb a siarad gyda'r rhai sy'n rhentu'r rhandiroedd Shôn i ddilyn lan am glirio gwteri Maes Meigan Aled i gysylltu gyda Geraint Halkett i wirio Shon yn dilyn i fynny
5. Gohebiaeth	(i) Eisteddfod yr Urdd • Daeth cais am gefnogaeth ariannol i Eisteddfod yr Urdd 2023 yn Sir Gaerfyrddin.	

	• Dydyn ni ddim fel arfer yn cefnogi Eisteddfodau yn genedlaethol heblaw eu bod nhw'n cae eu cynnal yn Sir Benfro. • Rydyn ni'n cefnogi'r Aelwyd trwy gyfrannu at eu costau nhw i fynd i'r Eisteddfod Cytunwyd i beidio rhoi cyfraniad i Eisteddfod yr Urdd (ii) Eisteddfod Brynberian Cytunwyd i roi £50, fel mewn blynyddoedd blaenorol (iii) Tour of Pembrokeshire • Daeth llythyr gan drefnwyr y Tour of Pembrokeshire yn gofyn am gefnogaeth i daith seiclo 2023. Doedd dim cais am arian, dim ond i drefnu cefnogaeth lleol wrth i'r beicwyr ddod trwy'r ward • Nodwyd y dyddiad	Bethan i gael manylion banc Eisteddfod Brynberian a threfnu taliad.
6. Cafnau Blodau	• Mae rhywun wedi cynnig gwneud y cafnau yn Hermon, ond nid y gweddill. • Cytunwyd bod angen rhywun i wneud y cyfan, a bod cysylltu i ddweud hynny. • Mae Clwb Garddio Hermon yn dal i gyfarfod felly cytunwyd i ofyn a fyddai diddordeb ganddyn nhw, neu a ydyn nhw'n gwybod am rywun i wneud. • Bydd hysbyseb yn cael ei roi ar facebook eto hefyd. • Os na fydd unrhyw ymateb wedi hynny bydd angen ystyried codi'r swm sy'n cael ei gynnig am y gwaith.	Bethan i gysylltu i ddiolch am y cais ond dweud ein bod ni angen rhywun i wneud yr holl gafnau Roger i holi Clwb Garddio Hermon a fydden nhw eisiau mynd at y cafnau blodau
7. Cynllun ar gyfer tyrbinau gwynt	• Daeth cais i ni gefnogi cais cynllunio cyn cyflwyno am ddau dyrbin gwynt ar dir fferm Gwarllwyn ym Mhentre Galar.	

	• Does dim cais ffurfiol wedi gyflwyno eto - cael barn cyn cyflwyno cais mae'r teulu. • Mae'r teulu wedi siarad gyda phobl sy'n byw gerllaw a dim ond un teulu sydd yn gwrthwynebu. • Mae'r tir yn y Parc Cenedlaethol ac mae'r parc yn gwrthwynebu tyrbinau gwynt fel arfer. • Mae'r Adran Priffyrdd wedi nodi pryderon am fynediad at y tyrbinau oherwydd eu maint. Byddai angen i gerbydau mawr allu mynd at y safle. • Does dim adroddiad amgylcheddol wedi ei wneud eto, maen nhw bron i flwyddyn ar ei hol hi'n gwneud adroddiadau amgylcheddol. Mae'n bwysig cefnogi teuluoedd lleol i wneud pethau fel hyn. Mae creu pŵer yn lleol yn beth da hefyd Cynigiodd Malcolm ein bod yn cefnogi'r cais, eiliodd Bill. Cytunwyd i ddanfon llythyr o gefnogaeth i'r cais • Mae cymunedau eraill wedi llwyddo i gael cyfraniadau tuag at y gymuned gan gwmnïau preifat sy'n adeiladu ac yn cynnal tyrbinau. Nodwyd y gallai fod yn rhywbeth i ni ei ystyried.	Bethan i drefnu llythyr o gefnogaeth
8. Presept 2023/24	• Rydyn ni'n cael £12,000 am flwyddyn ariannol 2022/23. • Cytunwyd bod angen gwybodaeth am faint mae tai ym mhob band yn ei dalu bob blwyddyn a faint mae wardiau eraill y sir yn ei gael. Bydd hynny'n rhoi syniad i ni pa lefel i osod y presept.	Bethan i gael gwybodaeth am presept fesul band ac mewn wardiau eraill a
9. Cyllid	Roedd £17,222.77 yn y banc ar ddiwedd mis Hydref	
10. Dyddiad a lleoliad y cyfarfod nesaf	7.30pm Nos Iau Rhagfyr 1 Llyfrgell Crymych	
10. UFA	(i) Sul y Cofio Cytunwyd i roi torch gan y Cyngor Cymuned fel arfer	Cris i drefnu torch

	Bydd gwasanaeth wrth Neuadd y Farchnad ddydd Sul Tachwedd 12. (ii) Cyfrannu Prydau Bwyd • Mae Fairfield Catering yn cynnig prydau o fwyd am £3.80 os ydy pobl yn dod â'u platiau eu hunain. • Mae tlodi bwyd yn y plwyf, a bydd Hwb Sir Benfro, sy'n cael ei redeg trwy PAVS yn gallu adnabod pobl mewn angen i gael prydau bwyd. Cytunwyd i gyfrannu £380, i dalu am 100 o brydau bwyd i bobl sydd eu hangen. (iii) Swydd Swyddog Datblygu Lleol Daeth un cais â chynnig i wneud y gwaith am £14 yr awr. Mae'r unigolyn wedi llwyddo i gael grantiau i neuadd gymunedol yn ddiweddar iawn ac mae ganddo brofiad o weithio gyda'r gymuned. Cytunwyd i'r cais am gyfnod prawf. (iv) Diffibrilwr i Glandwr • Mae Glandwr yn awyddus i gael diffibrilwr i'r ardal. • Yn y gorffennol mae'r cyngor cymuned wedi rhoi cyfraniad tuag gost diffibrilwr mewn sawl ardal. • Mae angen ffeindio rhywle y byddai modd ei roi a dechrau ymgyrch codi arian. • Byddai'r cyngor cymuned yn fodlon ystyried cais am gyfraniad. (vi) Sunnyhill, Llanfyrnach • Mae sbwriel a sgrap dros y palmant. • Shôn i fynd â swyddogion y cyngor heibio pan fyddant yn ymweld â College Green (vii) Parcio ar y stryd yng Nghrymych • Mae ceir yn parcio yn y mannau parcio ar ochr y rhewl drwy'r dydd ac yn parcio ymhellach lan na'r mannau parcio. • Mae hynny'n achosi problemau traffig gan nad oes lle i ddau	Cris i siarad â PAVS a gyda Fairfield Catering i drefnu cyfraniad. Cris i gysylltu i drefnu i'r unigolyn ddechrau gweithio Shon i siarad a swyddog y cyngor sir.
--	---	---

gar fynd heibio'u gilydd.

- Bydd y cyngor yn dod i wneud asesiad.
- Mae'n bosibl eu byddan nhw'n awgrymu rhoi llinell o'r mannau parcio hyd at yr orsaf dân neu bod cyfyngiadau parcio - ond byddai'n rhaid i rywun gadw llygad ar barcio.
- Mae pobl wedi bod yn parcio ar y palmant gyferbyn â'r llyfrgell a'r ysgol gynradd.
- Mae Shôn wedi rhoi gwybod i'r heddlu, a byddan nhw'n cadw golwg.

(viii) Llinell Band Llydan Hermon

- Tra bod Dŵr Cymru yn gwneud gwaith ar beipen yn Hermon fe wnaeth dŵr ollwng i rwydwaith y band llydan.
- Mae band llydan wedi bod yn araf ond mae llinell y band llydan yn cael ei checio.

(ix) Peipen ddŵr Crymmych

- Roedd peipen ddŵr yn gollwng tu fas i siop JK yng Nghrymmych, mae wedi ei drwsio dros dro ond bydd angen i'r bwrdd dŵr ddod nol i wneud y gwaith.